

ଯୋହନ ଲେଖିଥିବା ପ୍ରଥମ ପତ୍ର ଜଅନ୍ ଲେଖିରଇବା ୧ ମ ଚିଠି ଏ ବଇର ବିସଇ ଜାନ୍‌ବାଟା

ଜଅନର୍ ପର୍ତୁମ୍ ଚିଠି ଜିସୁକିରିସ୍ଟ ଜନମ୍ ଅଇକରି ୫୦-୧୦୦ କିରିସ୍ଟାବ୍ଦ ବିତ୍ରେ ପେରିଡ୍ ଜଅନ୍ ଲେଖି ରଇଲା ।

ଜଅନ୍ ନିଜକେ ଗଟେକ୍ ଲେକ୍‌ବା ଲକ୍‌ର ଇସାବେ ଜାନାଇ ଅଏନାଇ । ମାତର୍ ପର୍ତୁମ୍ ପାଟେ ସେ ଜିସୁକିରିସ୍ଟର୍ ଜିବନର୍ ଆରି ମରିକରି ଉଟ୍‌ବା ବିସଇ ନେଇକରି ସେ ମୁଇନିଜେ ସାକିବଲିକରି କଇଲାନି୧:୧-୩ଜଅନ୍ ପର୍ତୁମ୍ ଲେଖି ରଇଲାଟା ଜଅନ୍ ସୁସମାଚାର୍ ଲଗେ ଲେକା ଅଇଲାପାରା ଅଲପ୍ ମିସ୍‌ସି । ସେ ଜେଡେବେଲେ ଏପିସିଡେଇ ରଇଲା । ସେ ଜଅନ୍ ସୁବକବର୍ ଆରି ଜଅନର୍ ତିନିଟା ଚିଠି ଲେଖିଆଟେ ବଲିକରି ବିସ୍‌ବାସ୍ କର୍‌ବାଇ । ଜନ୍ ବଇକି ପର୍ତୁମ୍ ଜଅନ୍ ଦୁତିଅ ଜଅନ ତୁରତିଅ ଜଅନ୍ ।

ଗିଆନି ବଲିକରି କଇଡେରଇବା ଲକ୍‌ମନର୍ ଗଟେକ୍ ଦଲ୍ ଜନ୍‌ଲକ୍‌ମନର୍ ଲାଗି ମଣ୍ଡୁଲିଡେଇ କାଈଆଲେ ଗଟେକ୍ ଗଟ୍‌ନା ଆଇଲେ ଚିଆ ଅଇଡେ ରଇବା ଲକ୍‌ମନ୍ । ସେ ବେଲେ ଜଅନ୍ ସବୁ ବିସ୍‌ବାସି ମନ୍‌କେ ଏ ଚିଠିଲେଖି ରଇଲା । ସେମନ୍ ବିସ୍‌ବାସ୍ କର୍‌ବାଇକି ଜିସୁ ସତ୍ରେ ଆଇବା ପୁରାପୁରୁନ୍ ପର୍‌ମେସର୍, ମାତର୍ ଜଗଡେ ରଇବାବେଲେ ସେ ବନିମାଉସ୍ ଦାରିରଇବା ଗଟେକ୍ ନର୍‌ଲକ୍ ନର୍‌ଏ । ଜଅନ୍ ଜିସୁକିରିସ୍ଟର୍ ସଙ୍ଗ୍ ରଇବା ଗଟେକ୍ ସାକି ଆରି ତାର୍ ନିଜର୍ ଆଡ୍‌ସଙ୍ଗ୍ ଜିସୁକେ ଚିଇ ରଇଲାକେ ସେ ଏନ୍ତାରି ଲେକ୍‌ଲା ଆଟେ ୧:୧-୩ । ଜଅନ୍ ଏ ଚିଠି ଲେକ୍‌ବାର୍ ମୁକ୍ତିଅ କାରନ୍ ଅଇଲାନି ତାର୍ ସାର୍‌ଦା ପୁରାପୁରୁନ୍ ଅଇବାଟା । ପର୍ତୁମ୍ ଜଅନ୍ ୧:୪ ଆରି ବିସ୍‌ବାସି ମନ୍‌କେ ପାପେଅନି ଦୁର୍‌କେ ରଇବାକେ ପର୍ତୁମ୍ ଜଅନ୍ ୨:୧ଆରି ବିସ୍‌ବାସି ମନ୍‌କେ ମିଡ୍ ସିକିଆଇଅନି ରକିଆକର୍‌ବାକେ, ପର୍ତୁମ୍ ଜଅନ୍ ୨:୨୬ ଆରି ବିସ୍‌ବାସି ମନ୍‌କେ ରକିଆ କର୍‌ବାକେ, ୫:୧୩

ଏ ବଇବିତ୍ରେ ରଇବା ବିସଇ

- ୧. ଜଅନ୍ ତାର୍ ଚିଟିଟାନେ ନିଜର୍ ବିସଇ ଜାନାଇକରି ଆରି କାଇକେ ଲେକ୍ଲାନି ସେଟାସବୁ ଆଟେ । ୧:୧-୪
- ୨. ପର୍ମେସର୍ କେନ୍ତାରି ଉଜଲ୍ ବଲିକରି ବୁଜାଇଦେଇ ଜିସୁର୍ପାରା ଚଲାଚଲ୍ତି କରବାକେ କଇଆଟେ । ୧:୫-୩:୧୦
- ୩. ଗଟେକ୍ଲକ୍ ଆରି ଗଟେକ୍ ଲକ୍‌କେ କେନ୍ତାରି ଆଲାଦ୍ କରବାର୍ ଅଇସି ସେ ବିସଇ ମନେ ଏତାଇଦେଲା ଆଟେ । ୩:୧୧-୫:୧୨
- ୪. ସେ ତାର୍ ଲେକ୍‌ବାଟା ସାରାଇ ଆଟେ । ୫:୧୩-୨୧

ଜିବନର୍ ବାକିଅ

୧ ✨ଜାକେ ଜିବନର୍ ବାକିଅ ବଲି କଇଲାଇନି, ତାର୍ ବିସଇ ତମ୍‌କେ ଲେକ୍‌ଲୁନି । କାଇଟା ତିଆର୍ ନ ଅଇତେ ପୁର୍ବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କରିରଇବା କାମମନ୍ ଆମେ ଆଁକି ସଙ୍ଗ୍ ନିକ ଦେକି ଆରୁ । ଆରି ଆମେ ତାକେ ଆଡ୍ ସଙ୍ଗ୍ ଚିଇଲୁ ଆରୁ । ୨ ✨ଏ ଲକ୍ ସତ୍ ଜିବନ୍ ଦେଇସି । ପର୍ମେସର୍ ଏ ଲକ୍‌କେ ସବୁକେ ଦେକାଇଲା । ଆରି ଆମେ ଦେକ୍‌ଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍‌ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁର୍ବେଅନି ସେ ଆମର୍ ବାବା ପର୍ମେସର୍‌ର୍ ସଙ୍ଗ୍ ରଇଲା । ମାଡ୍‌ର୍ ପର୍ମେସର୍ ତାର୍ ବିସଇ ଆମ୍‌କେ ଜାନାଇଲାଆଟେ । ୩ ତେବର୍‌ପାଇ ଏ ଲକ୍, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତାରିକି ତମେ ମିସା ଆମର୍ ସଙ୍ଗ୍ ମିସିବିତି ରଇସା । କାଇକେବଇଲେ ଆମେ ବାବା ପର୍ମେସର୍‌ର୍ ସଙ୍ଗ୍ ଆରି ତାର୍ ପଅ ଜିସୁ କିରିସଟ୍‌ର୍ ସଙ୍ଗ୍ ମିସିବିତି ଆରୁ । ୪ ଆମର୍ ସାର୍‌ଦା ଜେନ୍ତାର୍ ପୁରାପୁରୁନ୍ ଅଇସି, ତେବର୍ ପାଇ ଏ ସବୁ ବିସଇ ତମ୍‌କେ ଲେକ୍‌ଲୁନି ।

ପର୍ମେସର୍ ଆକା ଉଜଲ୍

✨ ୧:୧ ୧:୧ ଜଅନ୍ ୧:୧ ✨ ୧:୨ ୧:୨ ଜଅନ୍ ୧:୧୪

* ମାତର ଜନ୍ ବିସଇ ଜିସୁକିରିସ୍ତ ଆମ୍ଭେ କଇଲା, ଆରି ଜାଇଟା ତମ୍ଭେ ଆମେ ଜାନାଇ ଆରୁ, ସେଟା ଅଇଲାନି ପର୍ମେସରର୍ ଉଜଲ୍ । ଆରି ତାର୍ଟାନେ ମୁଲ୍‌କେ ଆନ୍ଦାର୍ ନାଇ ।^୭ ତେବର୍‌ପାଇ ଆମେ ପର୍ମେସରର୍ ସଙ୍ଗ୍ ମିସିବିତି ଆରୁ ବଲି କଇକରି କାରାପ୍ କାମ୍ କରି ଆନ୍ଦାରେସେ ରଇବୁ ବଇଲେ, ଆମେ କଇବାଟା ମିର୍ । ଆରି ସତ୍ ବିସଇ ଆମେ ଚାଡ଼ିଦେଇଆରୁ ବଲି ଆମର୍ ତଲାଚଲ୍‌ତିଟାନେ ଜାନାପଡ଼ଲାନି ।^୮ ମାତର ଆମେ ସତ୍ କାମ୍ କରି ଉଜଲେ ରଇବୁ ଜେନ୍ତାରି କି ପର୍ମେସରର୍ ସବୁବେଲେ ଉଜଲେଆଚେ । ସେନ୍ତାର୍ ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକର୍ ସଙ୍ଗ୍ ମିସିବିତି ଆରୁ । ଆରି ପର୍ମେସରର୍ ପଅ ଜିସୁର୍ ବନି ଆମର୍ ସବୁ ପାପକେ ଦଇଦେଇସି ।

† ଆମେ କେବେମିସା ପାପ୍ କରୁନାଇ ବଲି କଇଲେ, ଆମେ ନିଜେସେ ନାଡାଇଅଇଲୁନି । ଆରି ସତ୍ ବିସଇ ଆମେ ନାଜାନୁନି ।^୯ ଜଦି ଆମେ ବୁଲ୍ କରିଆରୁ ବଲି ପର୍ମେସର୍କେ ନ ଲୁଚାଇତେ କଇଲେ, ସେ ଆମର୍ ସବୁ ପାପ୍ କେମା କରସି । ଆରି ସବୁ କାରାପ୍ କାମେଅନି ଆମ୍ଭେ ସୁକଲ୍ କରସି ।^{୧୦} ଜଦି ଆମେ କେବେ ମିସା ପାପ୍ କରୁନାଇ ବଲି କଇଲେ, ପର୍ମେସରର୍ ସତ୍‌ଟା ନଏଁ ବଲି କଇଲୁନି । ଆରି ତାର୍ ବାକିଅ ମାନିକରି ରଉନାଇ ।

୨

ରକିଆ କାରି ଜିସୁ

^୧ ଏ ମର୍ ପିଲାଟକି ପାରା ଅଇରଇବା ଲକ୍‌ମନ୍, ତମ୍ଭେ ମୁଇ ଏଟା ଲେକଲିନି । ଜେନ୍ତିକି ତମେ ପାପ୍ ନ କରାସ୍ । ମାତର କେ ଜଦି ପାପ୍ କଲେ ଆମର୍ ବାବା ପର୍ମେସରର୍ ମୁଆଟେ ଚିଆଅଇରଇବା ଗଟେକ୍ ଲକ୍ ଆମର୍ ପାଇ ଗୁଆରି କଲାନି । ସେ ଅଇଲାନି ଜିସୁକିରିସ୍ତ । ପର୍ମେସରର୍ ଦେକ୍‌ବା ଇସାବେ ସେ ପୁରାପୁରୁନ୍ ସତ୍‌ଆଚେ ।^୨ ଆମର୍ ବୁଲ୍ କାମର୍‌ପାଇ ଆମର୍ ବାବୁଲେ ପର୍ମେସରର୍ ଜିସୁକେ ଡଣ୍ଟ ଦେଲା । ତାର୍‌ଲାଗି ଅବ୍‌କା ଆମର୍ ପାପ୍‌ସେ ନଏଁ ମାତର ଗୁଲାଇଟାନେ ରଇବା ସବୁଲକର୍ ପାପ୍ ସେ କେମା କରସି ।

୩ ଆମେ ତାକେ ଜାନ୍‌ବା ଲକ୍ ଅଇଲୁଆରୁ । ଜଦି ଆମେ ତାରୁ ତିଆରଲ୍ଲାଟା ମାନ୍‌ଲୁନି, ଏଟା ଡାକ୍‌ସଙ୍ଗ୍ ଜାନ୍‌ଲୁନି । ୪ କେ ଜଦି ମୁଇ ପରମେସରକେ ଜାନିଆଟିବଲି କଇକରି, ତାରୁ ତିଆରଲ୍ଲାଟା ନ ମାନେ, ସେ ମିର୍ କଇଲାନି ଆରି ସେ ସତ୍ ବିସଇମନ୍ ନାଜାନେ । ୫ ମାତରୁ ଜେ ଜଦି ତାରୁ ବାକିଅ ମାନ୍‌ସି, ସେନ୍ତାରୁ ଆଲେ ପରମେସରପାଇ ରଇବା ତାରୁ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆଚେ । ଆମେ ପରମେସରର୍ ସଙ୍ଗ୍ ମିସଲୁଆରୁ ବଲି ଦେକାଇବା ବିସଇ । ୬ କେ ଜଦି ପରମେସରର୍ ସଙ୍ଗ୍ ମିସିଆଟି ବଲି କଇଲେ, ଜିସୁର୍ ଚଲ୍ଲାଚଲ୍ଲତି ପାରା ଚଲ୍ଲବାଟୁଆଚେ ।

ନୁଆଁ ଆଗିଆ

୭*ଏ ମରୁ ଆଲାଦ୍‌ର ମଇତରମନ୍, ମୁଇଁ ତମରୁ ଲଗେ କାଇମିସା ନୁଆ ଆଦେସ୍ ଲେକିନାଇ । ତମେ ଜିସୁର୍ ସଙ୍ଗ୍ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁରନା ଆଦେସ୍ ସୁନି ସାରାଇଆଟାସ୍ ।

୮ ମାତରୁ ଏଟା ଗଟେକ୍ ନୁଆ ଆଦେସ୍ ପାରା ମିସା ଆଚେ । କାଇକେବଇଲେ ତେଇର୍ ସତ୍ ବିସଇ କିରିସଟ୍ ଲଗେ ଆରି ତମରୁ ଲଗେ ତିସଲାନି । ଆନ୍ଦାରୁ ଉଟିଗାଲାନି, ଆରି ସତ୍ ଉଜଲ୍ ତିସଲାନି ।

୯ ଜଦି କେ ମିସା ପରମେସରର୍ ଉଜଲ୍ ଆରି ସୁକଲ୍ ଇସାବେ ଚଲ୍ଲାଚଲ୍ଲତି କଲିନି ବଲି କଇକରି ତାରୁ ସଙ୍ଗ୍ ମିସିବିତି ରଇବା ବିସ୍‌ବାସି ବାଇବଇନିମନ୍‌କେ ଗିନ୍ କର୍‌ସି, ସେ ଏବେଜାକ ଆନ୍ଦାରେସେ ରଇଲାନି । ୧୦ ଜନ୍ ଲକ୍‌ମନ୍ ତାକରୁ ମିସିବିତି ରଇବା ବିସ୍‌ବାସି ବାଇବଇନିମନ୍‌କେ ଆଲାଦ୍ କର୍‌ବାଇ, ସେମନ୍ ପରମେସରର୍ ସୁକଲ୍ ଇସାବେ ଚଲ୍ଲାଚଲ୍ଲତି କଲାଇନି । ସେମନ୍‌ରୁ ଜିବନେ ବିନ୍ ଲକ୍‌ମନ୍‌କେ ପାପ୍ କରାଇବା କାଇ ବିସଇ ନାଇ । ୧୧ ମାତରୁ ଜେ ମିସା ମିସିବିତି ରଇବା ବିସ୍‌ବାସି ବାଇବଇନିମନ୍‌କେ ଗିନ୍ କଲେ, ସେ ଆନ୍ଦାରେ ଆଚେ । ସେ ବୁଲ୍ ଟିକ୍ ନାଜାନିକରି ଚଲ୍ଲାଚଲ୍ଲତି କଲାନି । ସେ କନ୍ତି ଗାଲାନି ସେଟା ନାଜାନେ । କାଇକେବଇଲେ ସେ ଆନ୍ଦାରୁ ତାରୁ ଆକିକେ କାଣା କରିଆଚେ ।

୧୭ ଏ ଆଲାଦର୍ ପିଲାମନ୍, ମୁଇ ତମ୍ବେ ଲେକ୍ଲିନି । କାଇକେବଇଲେ କିରିସ୍ତର୍ ଲାଗି ତମର୍ ପାପ୍ କେମା ଅଇଲାଆତେ । ୧୩ ଏ ବଡ଼ଲକ୍ମନ୍, ମୁଇ ତମ୍ବେ ଲେକ୍ଲିନି, କାଇକେବଇଲେ ତମେ କିରିସ୍ତକେ ଜାନିଆଚାସ୍ । କାଇଟା ତିଆର୍ ନ ଅଇବା ଆଗ୍ତୁ ସେ ରଇଲା । ଏ ଦାଙ୍ଗଡାଦାଙ୍ଗଡିମନ୍ ମୁଇ ତମ୍ବେ ଲେକ୍ଲିନି । କାଇକେବଇଲେ ସବୁ କାରାପ୍ କାମ୍ କରାଇବା ସଇତାନ୍କେ ତମେ ଆରାଇଆଚାସ୍ ।

୧୪ ଏ ଆଲାଦର୍ ପିଲାଟକିମନ୍, ମୁଇ ତମ୍ବେ ଲେକ୍ଲିନି । କାଇକେବଇଲେ ତମେ ବାବା ପର୍ମେସର୍କେ ଜାନିଆଚାସ୍ । ଏ ବଡ଼ ଲକ୍ମନ୍ ମୁଇ ତମ୍ବେ ଲେକ୍ଲିନି । କାଇକେବଇଲେ ତମେ କିରିସ୍ତକେ ଜାନିବା ଲକ୍ ଅଇଆଚାସ୍ । କାଇଟା ତିଆର୍ ନ ଅଇବା ଆଗ୍ତୁ ସେ ରଇଲା । ଏ ଦାଙ୍ଗଡାମନ୍ ମୁଇ ତମ୍ବେ ଲେକ୍ଲିନି, କାଇକେବଇଲେ ତମେ ବିସ୍ବାସେ ତାଟ୍ ଅଇଆଚାସ୍ । ପର୍ମେସର୍ ବାକିଅ ସବୁବେଲେ ତମର୍ ମନେ ଆତେ । ଆରି ସବୁ ରକାମ୍ ପାପ୍ କାମ୍ କରାଇବା ସଇତାନ୍କେ ଆରାଇଆଚାସ୍ ।

ଜଗତ୍‌କେ ଆଲାଦ୍ କରାନାଇ

୧୫ ମୁଇ ତମ୍ବେ କଇଲିନି ଏ ଜଗତର୍ ଚଲାଚଲ୍ତି ଆରି ତେଇରଇବା ସବୁ କାରାପ୍ ବିସଇ ଆଲାଦ୍ କରାନାଇ । କାଇକେବଇଲେ ଏ ଜଗତର୍ କାରାପ୍ ବିସଇର୍ ଆଲାଦ୍ କରି, ବାବା ପର୍ମେସର୍କେ ମିସା ଆଲାଦ୍ କରିନାପାରେ । ୧୬ ସେ କାରାପ୍ ଚଲାଚଲ୍ତି ତେଇ ଲକ୍ମନ୍ ଜାଇଟା ମନ୍ କର୍ବାଇ, ଲକ୍ମନ୍ ଦେକିକରି ଲାଲ୍‌ସା ଅଇବାଟା, ସବୁ ବିସଇ ରଇଲାପାଇ ବଡ଼ପନ୍ ଅଇବାଟା ଏ ସବୁ ରଇସି । ଏ ରକାମ୍ ଚଲାଚଲ୍ତି ଏ କାରାପ୍ ଜଗତର୍ ଲାଗି ଅଇଲାଆତେ । ଆମର୍ ବାବା ପର୍ମେସର୍ ଏନ୍ତାରି କର୍ବାକେ ଆମକେ ତିଆରେନାଇ । ୧୭ ଏ କାରାପ୍ ଜଗତ୍ ଆରି ତେଇର୍ ସବୁ ରକାମ୍ ଚଲାଚଲ୍ତି ଦାପ୍ରେ ଉଟିଜାଇସି । ମାତର୍ ଜେ ପର୍ମେସର୍କେ ମାନ୍‌ସି, ସେ ନ ସାର୍‌ବା ଜିବନ୍ ପାଇସି ।

କିରିସ୍ତର୍ ସତ୍ତୁ

୧୮ ଏ ପିଲାଟକିମନ୍, ଏ ଦିମ୍‌ମନ୍ ଏ ଜଗତର୍ ସାରାସାରି ଦିମ୍ । କିରିସ୍ତକେ ବିରଦ୍ କର୍ବା ଗଟେକ୍ ଡାକ୍‌ପୁଟା ଲକ୍ ବାରଇସି ବଲି

ଆମେ ତମ୍ଭଙ୍କେ କଇରଇଲୁ, ସେଟା ମନେ ପାକାଆ । ଏବେମିସା କିରିସ୍ତଙ୍କେ ବିରଦ୍ କରବାଟାମନ୍ ଜବର୍ ଉଟ୍‌ଲାଇ ଆତଡ୍ । ସେଟାରୁଲାଗି ଏ ଜଗତର୍ ସାରାସାରି ଦିନ୍ ଲଗେ ଅଇଲା ବଲି ଆମେ ଜାନୁଲୁନି । ୧୯ ଏ ବିରଦ୍ କରବାଟାମନ୍ ଆମର୍ ସଙ୍ଗ୍ ମିସିବିଡି ରଇଲାଇ । ଆରି ଏବେ ସେମନ୍ ଚାଡିଦେଲାଇ । ସେମନ୍ କେବେ ମିସା ଆମର୍ ମିସାବିଡାଟାମନେ ମିସଡନାଇ । ଜଦି ସେମନ୍ ସତଇସେ ଆମର୍ ସଙ୍ଗର୍ ବିସ୍‌ବାସି ଅଇରଇଲେ, ଆମର୍ ସଙ୍ଗ୍ ରଇତାଇ । ମାତର୍ ସେମନ୍ ଚାଡିଲାପାଇ ଆମର୍ ଦଲର୍ ଲକ୍ ନଅଡ୍ ବଲି ଜାନାପଡିଲା ।

୨୦ ମାତର୍ କିରିସ୍ତ ତମ୍ଭଙ୍କେ ସୁକଲ୍ ଆଡ଼ମା ଦେଲାଆତେ । ୨୧ ତମେ ସଡ୍ ନାଜାନାସ୍ ବଲିକରି ମୁଇ ତମ୍ଭଙ୍କେ ଲେକଲିନି, ସେନ୍ତାରି ନଏ । ମାତର୍ ସେଟା ତମେ ନିକ ସଙ୍ଗ୍ ଜାନାସ୍ । ଆରି ସଡ୍ ସିକିଆ ସଙ୍ଗ୍ ବୁଲ୍ ସିକିଆ କେବେ ନ ମିସେ ।

୨୨ ତେବେ କେ ମିର୍ କଇଲାଇନି ? ଜିସୁକେ ମସିଅ ନଏ ବଲି ଜେ କଇଲାନି, ସେ ଆକା ସବୁରଟାନେଅନି ବଡ୍ ମିଚୁଆ । ସେନ୍ତାରି ଲକ୍‌ମନ୍ କିରିସ୍ତର୍ ବିରଦି ଲକ୍‌ମନ୍ । ସେମନ୍ ଉଜେ ବାବା ପରମେସର୍‌କେ ଆରି ତାର୍ ପଅ ଜିସୁ କିରିସ୍ତଙ୍କେ ନାମଡନାଇ । ୨୩ ଜେ ଜଦି ପରମେସର୍‌କେ ପଅକେ ନାମେ ନାଇ, ସେ ବାବା ପରମେସର୍‌କେ ମିସା ନାମେ ନାଇ, ଜେ ପରମେସର୍‌କେ ପଅକେ ନାମସି, ସେ ବାବା ପରମେସର୍‌କେ ମିସା ନାମସି ।

୨୪ ତମେ କିରିସ୍ତର୍ ସଙ୍ଗ୍ ଜିବାକେ ଆରାମ୍ ଅଇଲାତେଇଅନି ଜନ୍ କବର୍ ସୁନିଆଟାସ୍, ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଇସି, ସେନ୍ତାରିଆଲେ ତମେ ବାବା ପରମେସର୍‌କେ ସଙ୍ଗ୍ ଆରି ତାର୍ ପଅର୍ ସଙ୍ଗ୍ ମିସିକରି ରଇସା । ୨୫ କିରିସ୍ତ ନିଜେ ଆମ୍‌କେ ନ ସାର୍‌ବା ଜିବନ୍ ଦେବି ବଲି କାତାଦେଇଆତେ ।

୨୬ ଜନ୍ ଲକ୍‌ମନ୍ ତମ୍ଭଙ୍କେ ସୁବ୍‌କବର୍ ଜାନାଇଲୁନି ବଲି ବୁଲ୍ ସିକିଆ ଦେଇ ତମ୍ଭଙ୍କେ ନାଡାଇବାକେ ଚେସ୍‌ଟା କଲାଇନି, ସେମନ୍‌ର୍ ବିସଇ ଜାନାଇବାକେ ଏ ସବୁ ବିସଇ ମୁଇ ତମ୍ଭଙ୍କେ ଲେକଲିନି । ୨୭ ମାତର୍ ତମେ ନାଡାଇ ନ ଉଆସ୍ । କାଇକେବଇଲେ କିରିସ୍ତ ତାର୍ ସୁକଲ୍‌ଆଡ଼ମା ତମ୍ଭଙ୍କେ ଦେଇଆତେ । ସେ ସୁକଲ୍‌ଆଡ଼ମା ଏବେ

ମିସା ତମର ବିତ୍ରେ ଆଚେ । ତେବରପାଇ କେ ମିସା ବିନ୍ ଲକ୍ ତମ୍ବେ ସିକାଇବାକେ ଲତାନାଇ । ସୁକଲ୍‌ଆତ୍‌ମା ତମ୍ବେ ସବୁ ବିସଇର୍ ସତ୍ ସିକାଇସି । ତେଇ ସେ ଜନ୍‌ଗା ସିକାଇସି, ସେଟା ପୁରାପୁରୁନ୍ ସତ୍ । ତେଇ କାଇ ବୁଲ୍ ବିସଇ ନ ରଏ । ତେବରପାଇ ମୁଇ ତମ୍ବେ କଇଲିନି, କିରିସ୍‌ଟର୍ ସଙ୍ଗ୍ ମିସିରୁଆ ।

^{୨୮} ଏ ଆଲାଦର୍ ପିଲାଟକିମନ୍, ମୁଇ ତମ୍ବେ ଆରିତରେକ୍ କଇଲିନି କିରିସ୍‌ଟର୍ ସଙ୍ଗ୍ ମିସିକରି ରୁଆ । ଜେନ୍ତାରି କି ସେ ଆରିତରେକ୍ ଏ ଜଗତେ ବାଉଡିଆଇଲାବେଲେ ତାକେ ବେଟ୍ ଅଇବାକେ ତାକେ ନ ତରୁ କି ଲାଜ୍ ମିସା ନ ଉଆସ୍ । ^{୨୯} ଆମେ ଜାନିଆରୁ, କିରିସ୍‌ଟ ଅନିଆଇ କାମ୍ ନ କରେ । ଏଟାମିସା ଜାନିଆରୁ, ଜନ୍‌ଲକ୍‌ମନ୍ ସତ୍ କାମ୍ କର୍‌ବାଇ, ସେମନ୍ ପର୍‌ମେସରର୍ ପିଲାଟକି ।

୩

ପର୍‌ମେସରର୍ ପିଲାଟକିମନ୍

^୧ ✨ ଅଲପ୍ ବାବିଦେକାପନି, ବାବା ପର୍‌ମେସର ଆମ୍‌କେ କେତେକ୍ ଆଲାଦ୍ କଲାନି । ତାର୍ ଏତେକ୍ ଆଲାଦର୍ ଲାଗି ଆମେ ତାର୍ ପିଲାଜିଲା ବଲାଇ ଅଇଲୁନି । ଆରି ସତଇସେ ଆମେ ତାର୍ ଅଇଆରୁ ବଲି ଏ ଜଗତର୍ ଲକ୍ ବୁଜଡନାଇ । କାଇକେବଇଲେ ଆମର୍ ବାବା ପର୍‌ମେସର୍କେ ସେମନ୍ ନାଜାନଡ୍ । ^୨ ଏ ମର୍ ଆଲାଦର୍ ମଇତର୍‌ମନ୍, ଏବେ ଆମେ ପର୍‌ମେସରର୍ ପିଲାଜିଲା ଅଇଆରୁ । ପର୍‌କେ ଆମେ କେନ୍ତା ଅଇରଇବୁ ବଲି ଏବେଜାକ ନାଜାନୁ । ମାତର୍ ଜେତେବେଲେ କିରିସ୍‌ଟ ଏଜଗତେ ବାଉଡି ଆଇସି, ସେବେଲେ ସେ ଜେନ୍ତାରି ଆଚେ, ସେନ୍ତାରି ତାକେ ଆମେ ଦେକ୍‌ବୁ । ଆମେ ମିସା ତାର୍‌ପାରା ଅଇଜିବୁ । ଏଟା ସତ୍ । ^୩ ଜେଡ୍‌କି ଲକ୍ କିରିସ୍‌ଟର୍ ପାରା ଅଇବୁ ବଲି ଆସା କଲାସ୍‌ନି, ନିଜେ ପାପ୍ କାମ୍ ଚାଡି ସୁକଲ୍ ରଇବାର୍ ଆଚେ । ଜେନ୍ତାରିକି କିରିସ୍‌ଟ କେବେ ପାପ୍ ନ କରେ ।

✧ ଜେ ପାପ୍ କର୍‌ସି, ସେ ପର୍‌ମେସରର୍ ନିୟ୍‌ମ୍ ବିରୁଦେ ଗାଲାନି । କାଇକେବଇଲେ ନିୟ୍‌ମ୍ ନ ମାନ୍‌ବାଟା ଆକା ପାପ୍ । ^୫ ✨ ଆମର୍

ପାପର ଡଣ୍ଡ ନେବାରପାଇଁ କିରିସ୍ଟ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ ପାପକାମ୍ ନ କରେ । ^୬ ତେବେ ଜଦି ଗଟେକ୍ ଲକ୍ କିରିସ୍ଟର ସଙ୍ଗ୍ ମିସିରଇଲେ, ସେ ଆରି ପାପ କରବାର ନାଇ । ମାତର୍ ଗଟେକ୍ ଲକ୍ ଜଦି ପାପ୍ କରିଲାଗିରଇସି, ସେ କିରିସ୍ଟକେ ଦେକେନାଇ କି ନାଜାନେ ମିସା ।

^୭ ଏ ପିଲାଟକିମନ୍, ତମେ କାର୍ଟାନେଅନି ମିସା ନାଡାଇ ନ ଅଇବାକେ ଜାଗରତ୍ ଅଇରୁଆ । ପର୍ମେସର୍ ଦେକ୍ବା ଇସାବେ ଜନ୍ ଲକ୍ ଦରମ୍ କାମ୍ କରବାଇ, ସେମନ୍କେସେ ଦରମ୍ ଲକ୍ ବଲି ଡାକ୍ସି । ସେନ୍ତାରି ଲକ୍ମନ୍ ପର୍ମେସର୍ ଦେକ୍ବା ଇସାବେ ଦରମ୍ । ଜେନ୍ତାରିକି କିରିସ୍ଟ ଦରମ୍ ରଇଲା । « ମାତର୍ ପାପକରି ଲାଗିରଇବା ଲକ୍ମନ୍ ସଇତାନର୍ । କାଇକେବଇଲେ କାଇଟା ତିଆର୍ ନଅଇବା ଆଗ୍ତୁ ସଇତାନ୍ ପାପ୍ କରିଆଇଲାନି । ସଇତାନ୍ କରିରଇବା କାମ୍ କୁରୁପ୍ନାସ୍ କରବାକେ ପର୍ମେସରର୍ ପଅ ଏ ଜଗତେ ଆଇଲା ।

^୮ ପର୍ମେସରର୍ ପିଲା ଅଇରଇବା କେ ମିସା ପାପକରିଲାଗି ରଇବାର୍ ନାଇ । କାଇକେବଇଲେ ପର୍ମେସରର୍ ଗୁନ୍ତଲନ୍ ଡାକର୍ ବିଡ୍ରେ ଆତେ । ସେମନ୍ ପର୍ମେସରର୍ ପିଲାଜିଲା ଅଇଲାଇକେ, ପାପକରିଲାଗି ନ ରଅଡ୍ । ^{୧୦} କେ କେ ସଇତାନର୍ ପିଲାମନ୍ ଆରି କେ କେ ପର୍ମେସରର୍ ପିଲାମନ୍ ବଲି ଆମେ ଜାନୁ । ଜନ୍ ଲକ୍ମନ୍ ପର୍ମେସର୍ ଦେକ୍ବା ଇସାବେ ସଡ୍ କାମ୍ ନ କରଡ୍ । ଜନ୍ ଲକ୍ମନ୍ ମିସିବିଡିକରି ରଇବା ବିସବାସି ବାଇବଇନିମନ୍କେ ଆଲାଦ୍ ନ କରଡ୍, ସେମନ୍ ତାର୍ ପିଲାଜିଲା ନ ଅଅଡ୍ ।

ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା

^{୧୧} ✨ ଏ କବର୍ ତମେ ଆଗ୍ତୁଅନି ସୁନିଆସିଆଟାସ୍ । ସେଟା ଅଇଲାନି, ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରବାର୍ ଆତେ । ^{୧୨} ଆମେ କୟିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍ ରଇଲା । ଜେକି ଜେଡ୍କି କାରାପ୍ କାମ୍ କରାଇସି । ସେ ତାର୍ ସାନ୍ବାଇକେ ମିସା ମରାଇଲା । ସେ କାଇକେ ସେନ୍ତାରି କଲା ? କାଇକେବଇଲେ, ତାର୍ ନିଜର୍ ଜେଡ୍କି କାମ୍

କାରାପ୍ ରଇଲା, ତାର ବାଉ ଏବଲ୍ କାମ୍‌ମନ୍ ସେଡ଼କି ଦରମ୍ ରଇଲା ।

^{୧୩} ତେବର୍‌ପାଇ ଏ ମର୍ ବାଇବଇନିମନ୍, ଏଜଗତର୍ ଲକ୍‌ମନ୍ ତମ୍‌କେ ଗିନ୍ କଲେ, କାବା ଅଇବାର୍‌ନାଇ । ^{୧୪} ☆ ଆମେ କିରିସ୍‌ଟ ବିସ୍‌ବାସି ବାଇବଇନିମନ୍‌କେ ଆଲାଦ୍ କର୍‌ବାର୍ ଲାଗି ଏଟା ଜାନ୍‌ଲୁନି । ଜେ ଆଲାଦ୍ ନ କରେ, ସେ ଏବେ ମିସା ମରନର୍ ସାସନର୍ ତଲେଆଟେ । ^{୧୫} କେ ଜଦି ବିନ୍ ବିସ୍‌ବାସି ବାଇବଇନିମନ୍‌କେ ଗିନ୍ କର୍‌ସି, ନର୍‌ମାର୍‌ବା ଲକ୍‌ର୍ ସମାନ୍ । ଗଟେକ୍ ନର୍‌ମାର୍ ଲଗେ ପର୍‌ମେସର୍‌ର୍ ନ ସାର୍‌ବା ଜିବନ୍ ନ ରଏ । ଏଟା ତମେ ଜାନିଆଟାସ୍ । ^{୧୬} ଏଟାର୍‌ଲାଗି ଆଲାଦ୍ କାଇଟା ଆମେ ଜାନ୍‌ଲୁନି । କିରିସ୍‌ଟ ଆମର୍‌ପାଇ ତାର୍ ନିଜର୍ ଜିବନ୍ ଦେଲା । ସେନ୍ତାରିସେ ଆମେମିସା ଆମର୍ ମିସିବିଡିରଇବା ବିସ୍‌ବାସି ବାଇବଇନି ମନର୍‌ଲାଗି ମର୍‌ବାକେ ଡିଆର୍ ଅଇବାର୍‌ଆଟେ । ^{୧୭} ଜଦି କାକେମିସା ବର୍‌ବାକେ ତାର୍ ଲଡାକେ ଲାଗ୍‌ବାଟା ସବୁ ବିସଇଆଟେ, ଆରି ତାର୍ ବିସ୍‌ବାସି ବାଇକେ ଲଡାଆଟେ ବଲି ସେ ଜାନେ, ମାତର୍ ତାର୍‌ପାଇ ଜିବନ୍ ଦୁକାଏ ନାଇ, ସେ ମୁଇ ପର୍‌ମେସର୍‌କେ ଆଲାଦ୍ କଲିନି ବଲି କଇନାପାରେ । ^{୧୮} ଆଲାଦ୍‌ର୍ ପିଲାମନ୍, ଆମର୍ ଆଲାଦ୍ ଅବ୍‌କା କୁଆବଲାଇ ରଇବାର୍ ନାଇ । ଆମେ ସଡ଼ସଙ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କର୍‌ବାର୍ ଆଟେ । ଜେନ୍ତାରିକି ପର୍‌ମେସର୍ ସଡ଼ସଙ୍ ଆମ୍‌କେ ଆଲାଦ୍ କର୍‌ସି ।

^{୧୯} ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କଲେ, ପର୍‌ମେସର୍‌ର୍ ଲକ୍‌ବଲି ଜାନ୍‌ବୁ ଆକା । ଜନ୍‌ଟା ସଡ଼ ଆରି ଜନ୍‌ଟା ଟିକ୍, ସେ ତାର୍ ଲକ୍‌ମନ୍‌କେ ଦେକାଇସି । ଆରି ଆମେ ପର୍‌ମେସର୍‌କେ ପାର୍‌ତନା କଲାବେଲେ ନ ତରୁ । ^{୨୦} ଆମର୍ ବିବେକ୍ ଜଦି ଆମ୍‌କେ ପାପିବଲି ଦସ୍ ଦେଲେ, ଆମେ ସାନ୍ତିସଙ୍ ରଇବୁ । କାଇକେବଇଲେ ଆମର୍ ବିବେକ୍ ଟାନେଅନି ଆମେ ଜାନ୍‌ବାଡେଇଅନି ପର୍‌ମେସର୍ ଅଦିକ୍ ଜାନେ । ଆରି ଆମେ କର୍‌ବା ସବୁ କାମ୍ ସେ ଜାନେ । ^{୨୧} ଏ ଆଲାଦ୍‌ର୍ ମଇଡର୍‌ମନ୍, ଆମର୍ ବିବେକ୍ ଜଦି ଆମ୍‌କେ ଦସି ବଲି ନ ଜାନାଇଲେ, ଆମେ ପର୍‌ମେସର୍‌କେ ପାର୍‌ତନା କଲାବେଲେ ନ ତରୁ । ^{୨୨} ଆମେ ତାକେ

ଜେଡ଼କି ମାଙ୍ଗୁଲୁନି, ସେଟା ସବୁ ପର୍ଯ୍ୟନ୍ତ ଆମ୍ଭେ ଦେଇସି । କାଲକେବଇଲେ ସେ ତିଆରଲାଟା ସବୁ ଆମେ କଲୁନି । ^{୨୩} ✱ଆରି ଏଟା ଅଇଲାନି ତାର ଆଦେସ । ତାର ପଅ ଜିସୁକିରିସ୍ତକେ ବିସ୍ବାସ କରବାର ଆରି ଜିସୁ ତିଆରଲାପାରା ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରବାର । ^{୨୪} ଜେଡ଼କି ଲକ୍ ତାର ଆଦେସ ମାନବାଇ, ସେମନ୍ ସବୁ ପର୍ଯ୍ୟନ୍ତ ସଙ୍ଗ୍ ମିସଲାଇ ଆଚଡ଼ । ଆରି ସେ ମିସା ସେନ୍ତାରିସେ । ସେ ଆମର୍ ବଡ଼ିରେ ଆତେ ବଲି ଏନ୍ତାରି ଆମେ ଜାନୁଲୁନି । ଜନ୍ ସୁକଲୁଆଡ଼ମା ପର୍ଯ୍ୟନ୍ତ ଆମର୍ ବିଡ଼ରେ ରଇବାକେ ଦେଲାପାଇ ।

୪

ଆଡ଼ମା ମନକେ ଚିନା

^୧ ଏ ଆଲାଦର୍ ବାଇବଇନିମନ୍, ଜଦି କେ ମିସା ପର୍ଯ୍ୟନ୍ତ ଆଡ଼ମା ମର୍ଟାନେ ଆତେ, ବଲି କଇବା ଲକ୍‌ମନର୍ କାତା ବିସ୍ବାସ କରବାର ନାଇ । ମାତର୍ ସେନ୍ତାରି ଲକ୍‌ମନେ ସତଇସେ ପର୍ଯ୍ୟନ୍ତ ଆଡ଼ମା ଆତେ କି ନାଇ ଜାନବାକେ ମନ୍ଦିଆନ୍ ଦେଇ ସେ କଇବା କାତା ପରିକା କରବାର ଆତେ । କାଲକେବଇଲେ ମିର୍ କାତା ସିକାଉମନ୍ ବେସି ଲକ୍ ବାରଇଆଚଡ଼ । ପର୍ଯ୍ୟନ୍ତ ଟାନେଅନି ମିଲାଇଲା କବର୍ ବଲି ସବୁବାଟେ ଗାଲାଇ ଆଚଡ଼ । ^୨ ଗଟେକ୍ ଲକ୍‌ମନେ ପର୍ଯ୍ୟନ୍ତ ଆଡ଼ମା ଆତେ କି ନାଇ ବଲି ଏନ୍ତାରି ତମେ ଜାନସା । ଜେ ଜିସୁକିରିସ୍ତ ନର୍‌ରୁପ୍ ଦାରି ଏ ଜଗତେ ଆଇଲା ବଲି କଇଲେ, ତାର୍‌ଟାନେ ପର୍ଯ୍ୟନ୍ତ ଆଡ଼ମା ଆତେ । ^୩ ମାତର୍ ଜେ କି ଏ କାତା ନ ମାନେ, ତାର୍‌ଟାନେ ପର୍ଯ୍ୟନ୍ତ ଆଡ଼ମା ନାଇ । ସେନ୍ତାରି ଲକ୍‌ମନେ କିରିସ୍ତର୍ ବିରଦିର୍ ଆଡ଼ମା ଆତେ । ଏ ଆଡ଼ମା ଜଗତେ ଆଇସି ବଲି ତମେ ସୁନିଆବାସ । ସେନ୍ତାରି ସେ ଆଡ଼ମା ଆଇଲାଆତେ । ଆରି ଏବେ ମିସା ସେଟା ଜଗତେ ଆତେ ।

^୪ ମାତର୍ ତମେ ପର୍ଯ୍ୟନ୍ତ ଲକ୍ । ଏ ଆଲାଦର୍ ପିଲାମନ୍, ସେନ୍ତାରି ବୁଲ୍ ସିକିଆ ଦେଉମନର୍ କାତା ମାନା ନାଇ । କାଲକେବଇଲେ ତମର୍‌ଟାନେ ରଇବା ଆଡ଼ମା ଏ ଜଗତର୍

✱ ୩:୨୩ ୩:୨୩ ଜଅନ୍ ୧୩:୩୪;୧୫:୧୨,୧୭

ଲକ୍ମନର ଆତ୍ମାତେଜଅନି ଅଦିକ୍ ବପୁଟା ।^୫ ସେମନ୍ ଏ ଜଗତର ଲକ୍ । ଆରି ଏ ଜଗତର ଲକ୍ମନ୍ ତାକର କାତା ସୁନ୍ଦବାଇ । କାଇକେବଇଲେ ସେମନ୍ ସିକିଆ ଆରି ଏ ଜଗତର ଲକ୍ମନର ସିକିଆ ସମାନ୍‌ଆଚେ ।^୬ ମାତର ଆମେ ପର୍ମେସରର ଲକ୍ । ଆରି ଜେଡକି ଲକ୍ ପର୍ମେସରକେ ଜାନିଆତଡ଼, ସେମନ୍ ସବୁ ଆମର ସିକିଆ ମାନ୍‌ବାଇ । ମାତର ଜେଡକି ପର୍ମେସରର ଲକ୍ ନଅଡ଼, ଆମର ସିକିଆ ନ ମାନ୍‌ଡ଼ । ଏଟାରଲାଗି ଗଟେକ୍ ଲକ୍‌କେ ସଡ଼ ଆତ୍ମା ଆଚେ କି ସଇତାନର ଆତ୍ମା ଆଚେ ବଲି ଜାନିଅଇସି ।

ପର୍ମେସର ଆଲାଦକାରିଆ

^୭ ଏ ମର ଆଲାଦର ମଇତରମନ୍, ଆମେ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରାକରି ଅଉଁ । କାଇକେବଇଲେ ଆଲାଦ୍ କରବାକେ ପର୍ମେସର ଆମ୍‌କେ ସାଇଜ କରସି । ଜେ ଜଦି ବିନ୍ ଲକ୍ମନକେ ଆଲାଦ୍ କରସି, ସେ ପର୍ମେସରର ପିଲା ଆରି ପର୍ମେସରକେ ଜାନେ ।^୮ ଜେ ବିନ୍ ଲକ୍ମନକେ ଆଲାଦ୍ ନ କରେ, ସେ ପର୍ମେସରକେ ନାଜାନେ । କାଇକେବଇଲେ ପର୍ମେସର ସବୁବେଲେ ଆଲାଦକାରିଆ ।^୯ ପର୍ମେସର ଏନ୍ତାରି ଆମରପାଇ ତାର ଆଲାଦ୍ ଦେକାଇଲା । ସେ ଗଟେକ୍ ବଲି ତାର ପିଲାକେ ଏ ଜଗତେ ପାଟାଇଲା । ଜେନ୍ତାରିକି ତାରଲାଗି ଆମେ ନ ସାରବା ଜିବନ୍ ପାଇରୁ ।^{୧୦} ଏନ୍ତାରି ନଏଁଜେ, ଆମେ ପର୍ମେସରକେ ଆଲାଦ୍ କଲୁ, ମାତର ସେ ଆମ୍‌କେ ଆଲାଦ୍ କଲା । ଆରି କୁରୁସକାଟେ ମଲାପାଇ ଆମର ଡଣ୍ଡ ପାଇବାକେ ତାର ପଅକେ ପାଟାଇଲା । ଏଟା ଅଇଲାନି ସଡ଼ସଙ୍ଗ୍ ଆଲାଦ୍ କରବାଟା ।

^{୧୧} ଏ ମର ଆଲାଦର ମଇତରମନ୍, ଜେନ୍ତକି ପର୍ମେସର ଆମ୍‌କେ ଏଡେକ୍ ଆଲାଦ୍ କଲାପାଇ, ଆମେମିସା ଗଟେକ୍ ଲକ୍ ଆରିଗଟେକ୍ ଲକ୍‌କେ ସେନ୍ତାରି ଆଲାଦ୍ କରବାର ଆଚେ ।^{୧୨} ☆କେ ମିସା ପର୍ମେସରକେ ଦେକଡ଼ ନାଇତା । ମାତର ଆମେ ଜଦି ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କଲେ, ପର୍ମେସର ଆମର ସଙ୍ଗ୍ ମିସିଆଚେ । ସେ ଆମରଟାନେ ତାର ଆଲାଦ୍ ସିଦ୍ କରସି ।

^{୧୩} ପର୍ମେସରର ସଙ୍ଗ୍ ମିସିଆରୁ ବଲି ଆମେ ଜାନୁ । ଆରି ସେ ମିସା ଆମର ସଙ୍ଗ୍ ମିସିଆଚେ । କାଇକେବଇଲେ ସେ ତାର

☆ ୪:୧୨ ୪:୧୨ ଜଅନ୍ ୧:୧୮

ଆତ୍ମା ଆମ୍ଭଙ୍କ ଦେଲାଆତେ । ୧୪ ଆରି ଆମେ ଦେକିଆରୁ ପାପର ଡଣ୍ଡେଅନି ଲକ୍ଷ୍ମୀନକେ ରକିଆ କରବାକେ ବାବା ପରମେସର ତାର ପଅକେ ଏ ଜଗତେ ପାଟାଇଲା । ଏଟା ସତ୍ କାତା ବଲି ବିନ୍ ଲକ୍ଷ୍ମୀନକେ କଇଲୁନି । ୧୫ ଜେ ମିସା ଜିସୁକେ ପରମେସରର ପଅ ବଲି ନାମ୍ଲେ, ପରମେସର ସେ ଲକ୍ଷ୍ମୀ ସଙ୍ଗ ମିସିରଇସି । ଆରି ସେ ମିସା ପରମେସରର ସଙ୍ଗ ରଇସି । ୧୬ ପରମେସର ଜନ୍ ଆଲାଦ୍ ଆମ୍ଭରପାଇ ଦେକାଇଆତେ, ସେଟା ଆମେ ଜାନ୍ଲୁନି ଆରି ବିସ୍ବାସ କଲୁନି ।

ସେ ସବୁବେଲେ ଲକ୍ଷ୍ମୀନକେ ଆଲାଦ୍ କରସି । ଜେଡକି ଲକ୍ଷ୍ମୀ ପରମେସରକେ ଆରି ବିନ୍ ଲକ୍ଷ୍ମୀନକେ ଆଲାଦ୍ କରବାଇ, ସେମନ୍ ପରମେସରର ସଙ୍ଗ ମିସିଆତଡ଼ । ଆରି ସେ ମିସା ତାକର ସଙ୍ଗ ଆତେ । ୧୭ ପରମେସର ଆମ୍ଭଙ୍କେ ଦେଇ ବିନ୍ ଲକ୍ଷ୍ମୀନକେ ଆଲାଦ୍ କରବା କାମ୍ କଲାଆତେ । ଜେଡକି ସେ ସବୁକେ ବିଚାରନା କରବା ଦିନେ ଆମେ ଡରିକରି ନ ରଉଁ । କିରିସ୍ଟ ଏ ଜଗତେ ରଇଲାବେଲେ, ଜେଡକି ଚଲାଚଲ୍ତି କରତେରଇଲା, ସେନ୍ତାରିସେ ଆମେମିସା ଚଲାଚଲ୍ତି କରୁ । ଆରି ଆମେ ଡରିକରି ନ ରଉଁ । ୧୮ ଜେ ପରମେସରକେ ଆଲାଦ୍ କରସି, ସେ ତାକେ ନ ତରେ । ତାର ଆଲାଦ୍ ଆମ୍ଭ ବିତ୍ତରେ କାମ୍ କରସି, ଆମେ ତାକେ ଡରିନାଏଁ । ସେ ସେମନ୍କେ ଡଣ୍ଡ ଦେଇସି ବଲି ଲକ୍ଷ୍ମୀନ ତାକେ ଡରଲାଇନି । ଜଦି କେ ମିସା ପରମେସରକେ ଡରସି, ତାର ଆଲାଦ୍ ସେ ଲକ୍ଷ୍ମୀଗାନେ କାମ୍ କରେନାଇ ବଲି ଜାନାପଡ଼ସି ।

୧୯ ଆମେ ତାକେ ଆଲାଦ୍ କରବା ଆଗ୍ତୁ ପରମେସର ଆମ୍ଭଙ୍କେ ଆଲାଦ୍ କଲା । ସେଟାପାଇ ଆମେ ତାକେ ଆଲାଦ୍ କଲୁନି । ୨୦ ଜଦି କେ ମିସା ମୁଇ ପରମେସରକେ ଆଲାଦ୍ କଲିନି ବଲି କଇସି, ମାତର ନିଜର ବିସ୍ବାସି ବାଇବଇନିକେ ଗିନ୍ କରସି, ସେନ୍ତାଆଲେ ସେ ମିଡ୍ କଇଲାନି । କାଇକେବଇଲେ ଦୁଇଟା ଆଁକିତେଇ ଡିସ୍ବା ବାଇବଇନିମନ୍କେ ଆଲାଦ୍ ନ କରବା ଗଟେକ୍ ଲକ୍ଷ୍ମୀ, ନ ଡିସ୍ବା ପରମେସରକେ ଆଲାଦ୍ କରିନାପାରେ । ୨୧ ଆରି ସେ ଆମ୍ଭଙ୍କେ ଏ ଆଦେସ୍ ଦେଇ ତିଆରଲାଆତେ, ଜେ ପରମେସରକେ ଆଲାଦ୍ କରସି, ତାର ମିସିବିଡି ରଇବା ବିସ୍ବାସି ବାଇବଇନିମନ୍କେ ମିସା ଆଲାଦ୍ କରବାର୍ ଆତେ ।



ଏ ଜଗତେ ଜିତ୍‌ବାଟା

୧ ଜେ କି ଜିସୁକେ ମସିଅ ବଲି ବିସ୍‌ବାସ୍ କରସି, ସେ ପର୍‌ମେସରର୍ ପିଲା । ଆରି ଜେ କି ବାବାକେ ଆଲାଦ୍ କରସି, ସେ ତାର୍ ପିଲାକେ ମିସା ଆଲାଦ୍ କରସି ।^୨ ପର୍‌ମେସରର୍ ପିଲାମନ୍‌କେ ଆମେ ଆଲାଦ୍ କଲୁନି ବଲି ଏନ୍ତାରି ଜାନିଅଇସି । ପର୍‌ମେସର୍କେ ଆଲାଦ୍ କରି ଆରି ତାର୍ ଆଦେସ୍ ମିସା ମାନିକରି ।^୩ ଆମେ ଜଦି ସତଇସେ ପର୍‌ମେସର୍କେ ଆଲାଦ୍ କଲେ, ତାର୍ ଆଦେସ୍ ସବୁ ମାନୁ । ସେ ଆମକେ ତିଆରଲା ବିସଇ ମାନବାକେ ଆମକେ ଆବଡ୍ ନ ଲାଗେ ।^୪ କାଇକେବଇଲେ ପର୍‌ମେସରର୍ ସବୁ ପିଲା ଏ ଜଗତର୍ କାରାପ୍ ତଲାଚଲ୍‌ତି ନିଚିକରି ଜିତିପାରସି । ଆମର୍ ବିସ୍‌ବାସର୍ ଲାଗି ଆମେ ଜଗତ୍କେ ଜିତିଅଇସି ।^୫ ଏ ଜଗତ୍କେ କେ ଆରାଇପାରସି ? ଜିସୁକେ ପର୍‌ମେସରର୍ ପଅ ବଲି ଜେ ବିସ୍‌ବାସ୍ କରସି, ସେ ଏ ଜଗତ୍କେ ଆରାଇସି ।

ଜିସୁ କିରିସ୍‌ଟର୍ ଲାଗି ସାକି

^୬ ଜିସୁକିରିସ୍‌ଟ ପର୍‌ମେସରର୍ ପ ବଲିକରି, ତୁବନ୍ ଦେଉ ଜଅନ୍ ତାକେ ପାନିତେଇ ତୁବନ୍ ଦେଲା । ଆରି ସେ ମଲାବେଲେ ତାର୍ ବନି ରକଇଅଇଲା । ଏନ୍ତାରି ନଏଁ ଜେ ସେ ଅବ୍‌କା ପାନିସଙ୍ଗ୍ ତୁବନ୍ ଅଇଲା, ମାତର୍ ତାର୍ ମରନେ ତାର୍ ବନି ରକଇଅଇଲା । ଏ ସବୁ ବିସଇ ସଡ୍ ବଲି ସୁକଲ୍‌ଆଡ଼ମା ଆମକେ ସାକିଦେଲାନି । କାଇକେବଇଲେ ସେ ସଡ୍ ଆଡ଼ମା ।^୭ ତେବର୍‌ପାଇ ତିନ୍‌ଟା ସାକିତେଇଅନି ଆମେ ସଡ୍ ଜାନୁଲୁନି ।^୮ ସୁକଲ୍‌ଆଡ଼ମା, ତୁବନ୍ ଅଇରଇବା ପାନି, ଆରି ରକଇଅଇରଇବା ବନି, ତିନ୍‌ଟାଜାକ ସାକିତେଇ ରାଜି ଅଇଆତଡ୍ ।^୯ ଜେତେବେଲେ ଲକ୍‌ମନ୍ ତାକର୍ ଜାନିରଇବା ବିସଇନେଇ ସାକିଦେବାଇ, ଆମେ ସେମନ୍‌କେ ବିସ୍‌ବାସ୍ କରୁ । ମାତର୍ ପର୍‌ମେସର୍ ଆମକେ ସାକିଦେବାଟା ତାର୍‌ତେଇଅନି ଅଦିକ୍ ମୁକିଅ । କାଇକେବଇଲେ ସେଟା ପର୍‌ମେସରର୍ ସାକି । ସେ ତାର୍ ନିଜର୍ ପଅର୍ ବିସଇନେଇ ଆମକେ ସାକିଦେଲାନି ।^{୧୦} କେ ମିସା ଜିସୁକେ ପର୍‌ମେସରର୍ ପଅ ବଲି

☆ ୫:୩ ୫:୩ ଜଅନ୍ ୧୪:୧୫

ବିସ୍ବାସ କଲେ, ପରମେସରର ସାକ୍ଷି ତାଙ୍କର ମନ ବିତ୍ରେ ଆଚେ । ପରମେସର କଲିଆ କାତା ଜେ ଜଦି ବିସ୍ବାସ ନ କରେ, ସେ ମିତ୍ ବଲିକରି କଲିଆନି । କାଲକେବଲଲେ ତାର୍ ନିଜର୍ ପଅର୍ ବିସଇ କଲିଆଟା ସେମନ୍ ବିସ୍ବାସ କରତ୍ ନାଇ । ^{୧୧} ✧ ସେ ସାକ୍ଷି ଏଟା ସେ । ପରମେସର ଆମ୍ବକେ ନ ସାର୍ବା ଜିବନ୍ ଦେଲାଆଚେ । ଏ ଜିବନ୍ ଆମେ ତାର୍ ପଅର୍ଲାଗି ମିଲାଇଆରୁ । ^{୧୨} ତାର୍ ପଅସଙ୍ଗ୍ ଜେ ମିସା ମିସିରଇବାଇ, ସେମନ୍ ଏ ନ ସାର୍ବା ଜିବନ୍ ପାଇବାଇ । ଆରି ଜେ ତାର୍ ପଅର୍ସଙ୍ଗ୍ ମିସେନାଇ ସେ ଏ ଜିବନ୍ ମିସା ପାଏନାଇ ।

ନ ସାର୍ବା ଜିବନ୍

^{୧୩} ତମେ ଜେଡକି ଲକ୍ ପରମେସରର୍ ପଅକେ ବିସ୍ବାସ କଲାସ୍ତନି, ତମ୍ବକେ ଏ ଚିଟି ଲେକ୍ଲିନି । ଜେନ୍ତାରିକି ଆମ୍ବକେ ନ ସାର୍ବା ଜିବନ୍ ଆଚେ ବଲି ତମେ ଜାନାସ୍ । ^{୧୪} ପରମେସରକେ ପାରତନା କରବାବେଲେ ଆମେ ଡରିକରି ରଉନାଇ । କାଲକେବଲଲେ ତାର୍ ମନ୍ କଲି ଇସାବେ ଆମେ କାଲଟା ମାଙ୍ଗ୍ଲେ ମିସା ସେ ଆମ୍ବକେ ଦେଇସି । ^{୧୫} ଜେଡେବେଲେ ଆମେ ତାକେ ମାଙ୍ଗ୍ଲେ, ସେ ଆମର୍ କାତା ସୁନ୍ସି । ଆମେ ତାକେ ପାରତନାଇ ଜାଇଟା ମାଙ୍ଗ୍ଲେ ସେଟା ଆମ୍ବକେ ଦେଇସି ।

^{୧୬} ଜଦି ତମର୍ ସଙ୍ଗର୍ ବିସ୍ବାସି ବାଇ ପାପ୍‌କଲାନି ବଲି ଜାନ୍‌ଲେ, ଆରି ସେ ପାପ୍, ଲକ୍‌କେ ପରମେସରର୍ ଟାନେଅନି ସବୁଦିନର୍ପାଇ ବେଗଲ୍‌ବା ପାରା ପାପ୍ ନଇଲେ, ସେ ଲକ୍‌କେ ରକ୍ଷା କର ବଲି ତାକେ ଗୁଆରି କରବାର୍ ଆଚେ । ଆରି ପରମେସର୍ ସେ ଲକ୍‌କେ କେମାକରି ରକ୍ଷା କର୍ସି । ଏଟା ଜେନ୍ତାରି ପାପ୍ ଜନ୍‌ଟା ମରନର୍ ବାଟେ ଲକ୍‌ମନ୍‌କେ ନ ଡାକିନେଏ, ସେନ୍ତାରି ପାପର୍ ପାଇ । ମାତର୍ ପରମେସରର୍ ଟାନେଅନି ସବୁଦିନର୍ପାଇ ବେଗଲ୍‌ବା ପାରା ପାପର୍ ପାଇ, ତମେ ତାକେ ଗୁଆରି କରା ବଲି ମୁଇ କଇ ନାଇ । ^{୧୭} ସବୁ ରକାମର୍ ବୁଲ୍ କାମ୍ ପାପ୍‌ସେ । ମାତର୍ ସବୁ ରକାମର୍ ପାପ୍ ମରନର୍ ବାଟେ ନ ଡାକିନେଏ ।

^{୧୮} ଆମେ ଜାନିଆରୁ, ଜେ ପରମେସରର୍ ପିଲା ଅଇଗାଲା ଆଚେ, ସେ ପାପ୍‌କାମ୍ କରିଲାଗି ନ ରଏ । କାଲକେବଲଲେ ପରମେସରର୍

ପଥ ତାକେ ଦେକାରକା କର୍ସି । ଆରି ସଇତାନ୍ ଜେ କି ସବୁ ରକାମ୍
କାରାପ୍ କାମ୍ କରାଇସି, ତାକେ କାଇଟା କରିନର୍ ।

^{୧୯} ଆମେ ଜାନିଆରୁ, ଆମେ ପର୍ମେସରର୍ ପିଲାଜିଲା ଆରି ଜେ
କି ତାକେ ନାଜାନେ, ସଇତାନ୍ ସେମନ୍‌କେ ସାସନ୍ କଲାନ୍ତି ।

^{୨୦} ଆମେ ଏଟା ମିସା ଜାନିଆରୁ ଜେ, ତାର୍ ପଥ ଏ ଜଗତେ
ଆଇଲା ଆରି ଆମ୍‌କେ ସଡ୍ ପର୍ମେସର୍କେ ଜାନାଇଲା । ଏ
ସଡ୍ ପର୍ମେସରର୍ ସଙ୍ଗ୍ ଆମେ ମିସିକରିଆରୁ । କାଇକେବଇଲେ
ତାର୍ ପଥ ଜିସୁକିରିସଟର ସଙ୍ଗ୍ ଆମେ ମିସିଆରୁ । ସେ ସେ ସଡ୍
ପର୍ମେସର ଆରି ସେ ସେ ଲକ୍‌ମନ୍‌କେ ନ ସାର୍‌ବା ଜିବନ୍ ଦେଇସି ।

^{୨୧} ଏ ମର୍ ଆଲାଦର୍ ପିଲାଟକିମନ୍, ମିର୍ ପୁଡ୍‌ଲାମନ୍‌ ଟାନେଅନ୍ତି
ଦୁରିକେ ରୁଆ ।

ସତ୍ତ୍ୱର ବାବ୍
The New Testament in the Desiya language of India:
ସତ୍ତ୍ୱର ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱର ବାବ୍
ଦ୍ୱିତୀୟା ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde